

《中國地方藝文薈萃》編委會 編

中國地方藝文薈萃

學苑出版社

華夏卷·第十輯 拾

華東卷·第十輯
拾

中國地方藝文薈萃

《中國地方藝文薈萃》編委會 編

貴州師範學院內部使用

七十二峰足徵集八十八卷（八）

贵州师范学院内部使用

七十二峰足徵集八十八卷（八）

（清）吳定璋輯

據清乾隆十年（一七四五）吳氏依綠園刻本影印

七十二峰足徵集卷七十八

武峰吳定璋友篁菟錄

橘社金 浩紫瑞編訂

莫是龍

是龍又名雲卿字廷韓雲間人方伯莫中江之子嘗挾名姝張鳳筠泛舟五湖僦居東山風月橋徧遊名勝山中文士詩人爭延致之遞請楮墨殆無虛日得鳳筠侍硯便欣然命筆悉滿其願而去不爲疲也

懷王君載

年少誰爲歡君載固玉立笑語生迴瀾文采蔚可
挹觴行及無餘逸姿乃橫集神情肆晨昏微余遡
莫及憶昔帝里遊蘭膏費歌什風流忽星散相望
但於邑

別洞庭諸社友

揚帆首西路言從五湖發風卷吳宮花烟淡長洲
凡神來理亦會懽至悲亦竭惜別寧爾爲所知在
束髮

雲湖歌贈陸山人

高人卜築最幽勝，雲影湖光兩相映。
流水悠悠晚更清，浮雲冉冉秋逾淨。
君不見具區之水瀦玄霧，出入天漢苞滄溟。
縈徑瀰漫數千里，湛然一鏡涵虛清。
陰晴變幻倏忽異，氤氲宇宙摩元氣。
鯨鯢振鬣波濤驚，蛟龍吞珠日月蔽。
寰中大觀若箇竒，五湖遙見白雲低。
幾片青帆掛南浦，一行歸雁落沙堤。
平原隱淪稱不遇，却憐終日湖邊住。
賦就堪攜楚女歸，興來欲汎吳娃去。
又不見徐郎高揖安期。

生斟酌仙醪。百日醒勝迹。祇今傳故老。宿艸斜陽
何處行。

雲松歌贈許山人

縹緲孤雲何處歸。翠濤蒼雪望中微。朅來林麓散
晴靄。參差洞戶生寒霏。喬柯盤屈虬龍舉。白晝冥
冥自風雨。浮雲無心閒可憐。松子多情亦楚楚。山
中之人樂未央。松爲我巢。雲我裳。君不見長安道
上風塵苦。何似山中日月長。

攜張鳳筠遊山

春山美如畫况與佳人看眉蹙峰前黛歌流澗底
寒芳情迷碧艸香澤散幽蘭自愜登臨意難忘夜
色闌

紫騮馬吳侍宇席上分賦

一片桃花色飛來紫陌多追風橫絕漠飲月到交
河公子千金換將軍百戰過平生思汗血未飽玉
山禾

西竹草堂夜集得闌字

客至逢花信風光出夜闌野香宜宿酒池雨坐春

寒竹密禽言細亭空鶴夢安青山元有約莫負此時看

再訪吳文學山居

誰卜山南勝翳然林木幽清泉翠微落孤嶼片雲
流心賞陰晴造身閒信宿留不辭常取醉幾向習
池游

訪宋初陽陳伯求璩仲玉於寺居

開徑鄰蕭寺烟蘿趣轉深客邀塵外賞僧話佛前
心竹塢三春雪松堂萬壑陰隔林孤梵起特地引

高吟

坐久月痕殘當歌興未闌夜深花露重窓潤竹風
寒命酒愁堪失看詩秀可餐淹留更何事名理在
談端

岱心吳氏山堂

良夜一何寂堂虛燭影深疎鐘雲外寺清籟水邊
林世事啣杯見秋懷抱膝吟樵蘇元不爨日可費
招尋

分咏簾得安字朱象和席上

七十二峯

寓公

卷七十八

何處玉鈎攢玲瓏十二闌珠圓全鑑月箔冷乍凝
寒乳燕穿猶織閒花撲未安春閨多少意隔面若
爲看

陸山人自洞庭來尋雲間社

看君飛動意片席滿江湖白社携詩艸青山問酒
壚閒情雲共嬾狂眼月堪呼道上聊相睨接來已
辨珠

雨中黃葉樹吳氏一勺軒仝陳仲醇分賦

一片可憐秋霜林雨外愁濯枝分嶺樹響葉亂溪

流點綴偏宜寺蕭疎盡入樓
淡晴看暝色半與夕陽收

花影

寂寂春陰拂苑牆
枝頭葉底共低昂
虛無忽聚空中色
零亂難分暗裡妝
閒弄月雲俱是幻
靜侵簾幌不聞香
山僮錯認苔斑掃
只在回闌曲檻傍

春日從先輩讌集虎邱

揭來何處浣春愁
窈窕青山綠水洲
片石千秋生氣色
群公盡日取盤游
花間遲酒香爭入
谷口調

歌響易流不是清時容綺季肯遺鐘鼎重林邱

嚴陵釣臺

李于鱗命
題即席賦

灘殺七里咽江濱弔古臺荒路不分物色頻年虛
帝席客星終夜動天文漢家龍袞方求理齊國羊
裘肯事君千載遺霧那可見莫雲猶似束玄纁

送馮子潛遊洞庭

天開洞壑兩峰蟠地俯蛟宮六月寒君到正逢秋
色早平湖落木鏡中看

吳江夜渡

輕帆如駛夜乘風天淨波明匹練中忽望清光一
輪滿江寒猶自戲魚龍

張虎

虎字力臣號竹軒丹陽人寓居檀溪灣者數年

題夫椒山

夫椒高高半空倚翠滴烟巒淨如洗嵯峨一朵金
芙蓉勢壓太湖三百里千巘萬壑鳴飛泉二十三
灣遶流水南邀洞庭爲友朋北揖龍峰作兄弟衆
山森列各圍拱或爲孫兮或爲子兀然撐拄東南

天天高秀色還相連枝峰蔓嶺斷復續中有八堡
居民烟渡頭一灣是古竹竹裡人家露茅屋屋邊
花木四時春犬吠鷄鳴在空谷山勢東來是鈕埭
蒼猿白鹿相遊嬉采樵有客唱歌去歌聲直過行
雲飛清流一派檀溪曲此地由來遠塵俗清風萬
古知者誰釣月高人一竿竹溪頭誰結棲雲庵鐘
磬遠度山之南沈昌灣中是何所大小二瀆如花
團蓬坑有塢深且幽烟蘿寂寂寒颼颼蒼苔滿地
客稀到鳥啼花落山靈愁南山之南有大墅華屋